

Siin Giala Kõñ Séwe

Lawa a lon laanka kanaa die boo

1 ¹Lele-lele Lawa na á lon laanka kanaa da. ²Kanaa le góó kooro na á goã, màn kón banban. Bãã tumaa na á goã mu lea, wolo tumaa n ti. Lawa Yiri na á goã bìn die mu le ganaa.

³Lawa tón pe: mà “Wolo fulu bo.” Wolo fulu bo. ⁴Lawa wolo fulu ye màn siin lea. Á tón toë á bo kón ka wolo ti ni. ⁵Á wolo fulu bii mà “Leawaa”, á wolo ti bii mà “Tëlo”. Wasamien ye, baaye le dó ye. Leawaa bibinaa pinaa n ka be ne.

⁶Lawa tón pe doo: mà “Gele ye, a mu na kón wolo paa.” ⁷Be nó n zenaa mie. Lawa na á bea gele le bo, a ná a giulun mu laanka a lalan wo na, á ñ bo kón ne. ⁸Á gele le bii mà “Lon”. Wasamien ye, baaye le dó ye. A leawaa paa baañ wo n ka be ne.

9 Lawa pe doo: mà “Lon giulun mu le nə n tɔ kɔn le bǎǎ goon toto ne, wɔɔ kooro boo la a ye.” Á n zɛnaa miɛ. ¹⁰Lawa wɔɔ kooro le bii mà “Tán”, á mu tɔkɔnle le bii mà “Kò”. Lawa ye màn siin lea.

11 Lawa tɔn pe: mà “Tán luu buruu pǎlin bɔ: màn tumaa bɔ, a we ná a tan, a kɔnpe ka a tɔrɔ ne, da tumaa bɔ, a ne kɔ a kɔnpe ka a tɔrɔ ne.” Bɛ né n zɛnaa miɛ. ¹²Tán luu buruu pǎlin bɔ: màn tumaa bɔ, a we ná a tan á kɔnpe ka a tɔrɔ ne, da tumaa bɔ, á ne kɔ á kɔnpe ka a tɔrɔ ne. Lawa ye màn siin lea. ¹³Wasamien ye, baayeɛ dó ye. A leawaa sɔɔ baañ wɔ pinaa n ka bɛ ne.

14 Lawa tɔn wusoo á pe: mà “Folon-bɔlen nə bɔ lon gònɔn ganaa, ñ leawaa laanka tɛlo a bɔkɔnle nia. Ñ nə n baa biikoo niañ mànán lea, ñ zón biikoon nia, ka leawaan laanka lèn ne. ¹⁵Ka bɛ dó ne, ñ boo la, ñ nə n toa lon gònɔn ganaa, ñ wɔɔ fulu kaa tán la.” Á n zɛnaa miɛ. ¹⁶Lawa folon-bole dadara màn paa zɛnaa: ñ mɛn bé gole, wasa ne, á bɛ koa leawaa mii la; ñ mɛn bé boɛɛne, mui ni, á bɛ koa tɛlo mii la. Á leeren dɔn zɛnaa. ¹⁷Lawa na á ñ koa lon gònɔn ganaa, mà ñ wɔɔ fulu kaa tán la, ¹⁸ñ goǎ leawaa laanka tɛlo mii la, ñ wɔɔ fulu toɛ ñ bɔ kɔn ka wɔɔ ti ni. Lawa ye màn siin lea. ¹⁹Wasamien ye, baayeɛ dó ye. A leawaa sii baañ wɔ n ka bɛ ne.

20 Lawa tɔn wusoo á pe doo: mà “Màn yiikoonaa gigiǎ ye bǎǎ tumaa a mu li, mà bàanan dɔn nə piɛ ñ wo lon.” ²¹Lawa kò mu giulun màn dadaran da, màn yiikoonaa tɔrɔ mɛn tumaa bé tɔ we mu giulun. Á bàan tɔrɔ tumaa dó da. Lawa ye màn siin lea. ²²Lawa barka da ñ ganaa, á pe: mà “Mu mànán nə nɛn bɔ, ñ mɔnaa, ñ kò mu pǎ, bàanan dɔn nə mɔnaa tán la.” ²³Wasamien ye, baayeɛ dó ye. A leawaa sooro baañ wɔ n ka bɛ ne.

24 Lawa tɔn pe doo: mà “Tán màn yiikoonaa tɔrɔ tumaa bɔ, piɛ mànán laanka don mànán ne, a dadaran laanka a bɔnbɔɛɛnen ne.” Á n zɛnaa miɛ. ²⁵Lawa bea màn yiikoonaan lèn tɔrɔ tumaa da miɛ. Lawa ye màn siin lea.

26 Bɛ kio Lawa tɔn pe kɛni: mà “Ñ daa, ñsɛn nə minbuiin ne zɛnaa, ñsɛn dinin kɔnboe lea, ka ñsɛn dinin bé lɔn. A giǎ kò mu liñ zòn mii la, ka bàanan ne, ka piɛ mànán laanka don mànán ne, a dadaran laanka a bɔnbɔɛɛnen ne.”

²⁷ Lawa na á minbuiin ne zenaa a din a konboe lea, á zenaa ka Lawa din bé lon.

Á n zenaa, gi laanka lo ne.

²⁸ Lawa barka da n ganaa, á pe n ne: mà “N nenyaaan ye, n monaa, n tán pã, n giã a mii la. Mà n goã kò mu lii zòn mii la, ka bàanan laanka màn yiikoonaa men tumaa bé to we tán la.” ²⁹ Lawa tón ke pe a ti a ganaa: mà “Á ke, mà ase n màn tɔɔ tumaa laanka da ne-kole tɔɔ tumaa koe n la tán tumaa la, mà be á die n màn-bii bie. ³⁰ Sene, màn yiikoonaan menen tumaa bé tán la, ka bàanan tumaa ne, màn woo màn tá piẽ sii, mà ase n buu buruu koe ben tumaa la, n màn-bii lea.” Á n zenaa mie. ³¹ Lawa màn men tumaa zenaa, á ye mà n tá siin parsiini. Wasamien ye, baayele dó ye. A leawaa sɔɔ baañ wo n ka be ne.

2 ¹ Lon laanka tán ne, ka n góógóñ mànán tumaa nó n zenaa, n nó nya. ² Lawa bé a ná a di nya á nya, a leawaa sobaa baañ wo pinaa, á n susu.

³ Lawa barka wo bea leawaa sobaa baañ wo pinaa le ne, á bo á koa a gɔɔn a din wo lea. A giala, mà a bé á màn tumaa zenaa á nya, a ná a n susu be le a pinaa.

⁴ Lawa lon laanka tán da lon, be le a boo n ka be ne.

Eden dùgɔɔ boo

Denaa Lawa bé á tán laanka lon zenaa n men waáraa, ⁵ bɛ da kón ba tán la bɔɔ wa, buu kón do banban bɔɔ wa. A giala, mà bea biikoo li, bɛ Denaa Lawa tón la kaa tán la bɔɔ wa, bɛ minbuiin ne do din banban bɔɔ, á n tán kɔse wa. ⁶ Sene, mu na á goã soe tán giulun, á n tán tumaa basɛ.

⁷ Denaa Lawa tán tii saa, á zenaa minbuiin ne lea. Á yiikoonaa baañ piẽ do a nyin ni, á n baa màn yiikoonaa lea.

⁸ Be kio, Denaa Lawa tón bãã sonbore kón zenaa lɛgiala-n, n nó bii Eden dùgɔɔ, a ná a min zenaa le da walan. ⁹ Denaa Lawa da tɔɔ din tumaa bo tán la, siini yɔɔ-a, n ne do n kɔñ le-n. Á yiikoonaa baañ da da dùgɔɔ le bii, ka sii biẽ laanka sii baraa dɔñ da ne.

¹⁰ Tã goon a mu na á goã n toɛ Eden, die kie dùgɔɔ le ganaa. A nɛ n toɛ walan doo, a n tale kon gũru sii. ¹¹ N goon to n Pison. Be n Avilaa gána tumaa len penɛ. Sana tá bea

gána le ne; ¹²a sana á siini. Da gon giĩ koñ kón do tá ñ li, ka kolo te-pele siin kón ne. ¹³Ñ tà le goon do to n Gĩḡ. Be n Kuusu gána tumaa len pene. ¹⁴Ñ goon koso do to n Tiigrə. Be n baa sii Assiirii gána a lègiala gon la. A sii baañ wo n ka Efrati tà ne.

¹⁵Denaa Lawa giĩ le saa á koa dũgɔɔ le ne, mà a koso, a ga a walan. ¹⁶Á pe á laa a ganaa: mà “A tá boe la a dũgɔɔ dan len tɔɔ tumaa a ne bii. ¹⁷Sene, mà sii biĩ laanka sii baraa dɔñ da ke, mà a nyan toa be a ne wo a le-n wa de! Mà a giala, mà bè a ná a ne bii ñ men pinaa, mà á re giĩ, mà sàabaa ba be la wa.”

¹⁸Denaa Lawa tón pe: mà “A siini giĩ goã a din soɔ wa. Mà ase á re domale wole zenee, a din mia lea, a ko la.” ¹⁹Denaa Lawa don mán tɔɔ tumaa laanka bàanan tumaa zena ka tán tii ni, á ñ kũ á daa ñ ne giĩ le li, a bé re ñ to biĩ lon, ase ga be ganaa. A bé re to men koe bea mán yiikoonaan len ganaa, mán die ñ biĩ ka bea to le ne. ²⁰Giĩ lé pie mánan laanka don mánan tumaa to ko, ka bàanan tumaa ne. Sene, a dinmaa na a din mia ye, a domale wole lea wa.

²¹Denaa Lawa tón nyüu gole da giĩ le ganaa, á nyüu wo. A bé nyüu ni, Denaa Lawa na á garsawe goon bo, á be a bää tá ka siĩ ni. ²²Denaa Lawa garsawe men le bo giĩ ni, á be le zena lo lea, á daa ko la. ²³Giĩ bé á ye, á kaa a foo la, yáa a n toa: mà

“Taare! Sisia kəni, mase din mia goon ne ka ke ne,
ma din gònɔn kón ne ka ke ne.

Mán die biĩ mà giĩ a paa baañ wo,
a giala, a na á bo giĩ ni.”

²⁴Be le na á toa, giĩ á re n nie a n bo ñ di laanka ñ dan ganaa, a n doa kɔn ka a lo ne, ñ nə n baa goon.

²⁵Giĩ laanka lo ne, ñ dinin min paa tumaa gònɔn tontoro na á goã, min kón a sii ba ñ mia ganaa wa.

Giĩ laanka lo loo a bo Eden dũgɔɔ-n boo

3 ¹Denaa Lawa don mánan menen tumaa zena, mie yiri goã wooro, á la ñ tumaa ne. Á nòn da lo la:

— mà Lawa pe ñ ne sonbore, mà ñ baran dũgɔɔ le a da ne kón bii wa?

2 Lo mie le si:

— mà Nsen tá boe la ñ dũgɔɔ le a da nen bii. ³Sene, mà da men bé dũgɔɔ le bii, mà Lawa na á pe nsen mane be wo

pän li, mà ñsen baran a ne bii wa, ñsen baran n gon da a ganaa wa, mà men bé toë ñsen baran gā wa.

4 Mie tón pe lo ne:

— mà Haayii de! Mà ñ ba re giē wa. ⁵Sene, mà Lawa á doē, mà bè ñ nó bii ñ men pinaa, mà ñ yii á re toē, mà ñ tá re ñ bie ka Lawa din bé lon, ñ sii biē laanka a baraa d5.

6 Lo lé ye, mà da ne le á siin yoro-a á la yii ni, mà a bii doamaa ne a goā koñ le-n, mà min yii á boe li, mà á boe la a min yiri bū. A ná a ne goon na, á bii, á ñ kón ko ñ zuū la a li, a dó bii. ⁷Be kio, ñ dinin paanan yii toē kōni, ñ nó d5 mà ñsen tontoro ne. N nó tón goro luu na, ñ nó woro kōn, ñ nó yii ñ bos5-n monaa lea.

8 Wasamiene, piē lolō bé boe ñ men waáraa, ñ nó Denaa Lawa le ma, n bibii dūgoro le g5 ne. Ñ nó nomaa ñ nó n duru a nyeene dūgoro le a dan bii. ⁹Sene, Denaa Lawa le dia giī le la, á nōn da la:

— mà A n maa?

10 Giī le ná a le si:

— mà Ase ná a le ma dūgoro le ne, mà nyée ná ase kū, a giala mà ase tontoro ne, mà be le ne, ase nó n duru.

11 Denaa Lawa tón nōn da la:

— mà Die na á pe ne, mà a tontoro ne? Mà ase bé á pe ne, mà a baran da ne men bii wa, mà a be le bii ya?

12 Giī le tón pe:

— mà A din lo men le ko ase la, mà be le na á da le a ne ko ase la, ase tón bii.

13 Denaa Lawa pe lo le ne:

— mà Waa na á baa á ke zena?

Lo le ná a le si:

— mà Mie na a ná ase bebele, ase da ne le bii.

14 Denaa Lawa tón pe mie ne:

— mà A sii men zena ke, mà ase n die len pepiā bii li. Mà tō mǎnan tumaa laanka don mǎnan tumaa bii, mà a din nē die n giere tán a nō la, mà á re tii bii a yiikoonaabaa biikoo tumaa li. ¹⁵Ma ase á re baraabaa die a laanka lo bii ni, mà ase da a tōro laanka lo tōro bii ni. Mà lo tōro á re a mii yoyore, mà a dō á re lo tōro yawee a gōātoro ganaa.

16 Á tón pe lo dō ne:

— mà Bè á nò ne n men waáraa, mà ase á re màn die a noma li, mà á re ne yii ka là paparee ne. Mà giã kun ka n zuũ-n tá re goẽ wẽ ne a ganaa, sene, mà n zuũn die goẽ a mii la.

17 Be kio á tòn pe giĩ le ne:

— mà Ase bé á pe a laa a ganaa, mà a baran da men a ne bii wa, mà a bé á n saa a lo a boo li á bii, mà ase n die len pepiã bii tán li, a din le taman yii. Mà a yiikoonabaa góó ne, mà a là n die papare a tòn a le-añ bii ye a ne. ¹⁸Mà á re nyan laanka buu babaraa boe a gòã giulun, mà tán kóõn màn ne á re bii. ¹⁹Mà á re sè fuu koẽ a pesẽ a tòn a le-añ màn-bii ye, yáa a wusii a woe tán, a bé á bõ tán men le ne. Mà a n tii lea, mà a n die wusii a wo tii li.

20 Giĩ le ná a lo le to kò mà “Evu” (be giala mà “Yiikoonaa”), a giala a din na á yiikoonaan tumaa a náa baa. ²¹Denaa Lawa to ki zenaa donke lea, á wò Aadã laanka a lo ganaa. ²²Be kio, Denaa Lawa tòn pe: mà “Minbuiin ne á ke, á n baa ka ñsen bé lon, sii bíẽ laanka sii baraa doẽ wò pän li. Mà sisia, mà yáa ñsen nõ kurii yiikoonaa baañ da ke a ne bii ganaa. Mà bè be bie wa, mà bè á be a ne na, á bii, mà a n goẽ a yii n koo miẽ, yáa dudu.”

23 Denaa Lawa nó n loo, á n bõ Eden dùgɔɔ le ne, màn men bé toẽ n bõ tán men ne, n wo be le kóó. ²⁴A bé á n loo á n bõ a ne n men waáraa, a na á lon màn yiikoonaan doa Eden dùgɔɔ le a lègiala gòn la. Goya sà te-bole n ben gòn, n nó pipiri bää yii ni, yiikoonaa baañ da le a zii leduí ni.

Les Livres de Genèse et d'Exode en Langue San (Samo)
publiés sous le titre
Siin Giala Kõn Séwe
laanka
Bò Bèrebba Neñ Séwe

par
L'Alliance Biblique du Burkina Faso
B.P. 2958
OUAGADOUGOU, Burkina Faso

© Alliance Biblique du Burkina Faso, 1994
Illustrations, par Horace Knowles
© The British and Foreign Bible Society
London, England, 1954, 1967, 1972.

ISBN 9966-40-360-4
SAN (SAMO) GENÈSE/EXODE 460P UBS-EPF 2M 1994